



Шормо эл, порымук да рум берр!

27-ше (3259) №,
2016 ий 2 июль,
шуматкече.

ЯМДЕ-ЛИЙ

1933 ий 1 февраль годсек лектеш.

0+

ЧАПЛАНА МАРИЙ ПАЙРЕМНА!



Пётр ВАСИЛЬЕВЫН фотожо.

Кодшо шуматкечын, 25 июньшто, Йошкар-Олаште Пеледыш пайрем эртыш.



Тиде ч и н ч е падыраш – Варя ГРИГОРЬЕВА. Тудлан ик уят кум тылзе. Йошкар-Олаште ила. Морко район Шлань гыч Алевтина Федорова изи ўдырлан мариь вургемым урген. Вынер гыч, тошто тўрым кучылтын – нимогай

шоак деч посна.

Изи Варя тыглай ўдыр огыл! Тудо мариь калыкын ўшанже, ончыкылыкшо, пўры-машыже.

Вара пайрем тўвыра да каныме паркыш кусна. Туштыжо-о! Куш ит савырне – мариь тўс: кушты-маш, мурымаш, мариь кудо да ончер-влак...

Л.СЕМЕНОВА.

Республикысе районла да Пошкырт, Татарстан, Одо, Урал, Угарман, Виче, Пермь, Йўдвел кундемла гыч толшо мариь-влак ик йогын семын олан рўдў уремже дене ошкылыт. Нуно тўрлў-тўрлў вургеман улыт, тўрлў мурсемым шоктат, а чумыржо тиде – мариь калык! Ёрдыжтў ончен шогышо-влак саламлат, кидым рўзат. В.Ленин площадыш калык тич погына. Нуным Оныжа Э.В.Александров, Кугыжаныш Думын депутатше Л.Н.Яковлева, Мариь Эл кугыжаныш погын вуйлатышын алмаштышыже А.Н.Иванов саламлат. Тўн онаен А.И.Таныгин да карт кугыза-влак Пўртўс Юмылан тауштен пелештат. Нуно ты кечын эрдене Агавайрем кумалтышым эртареныт. Мариь калык мунло: ожнат да кызытат Агавайрем дене пырля Пеледыш пайремым пасу пашам мучашлымеке палемда. Ялозанлыкыште тыршыше-влакым ялозанлык да продовольствий министрын алмаштышыже И.В.Логинов кугу сценыште саламла.

Йоча-влакклан эртарыме пайрем-конкурс нерген 2-шо лаштыкыште лудса.





Умбажыже. Тўрал-
тышыже - 1-ше
лаштыжыште.

Марий Элын сулло артисткаже, Кенезын рольжым модшо Эльвира Лисицына сўан лупш дене куштышо изи рвезе дене палымым ыштыш:

- Лўмет кузе?
- Андрей Пушкин!
- Кушеч улат?
- Россий гыч! - чолган вавештыш рвезе.

Андрей Йошкар-Оласе 27-ше номеран школышко коштеш. Конкурсышто 3-шо верыш лекте. А Кира Армяковалан жюри 1-ше верым пуыш. Каласыман, тиде школын ўдыр-рвезыже-влак йоча программым чот сўрастарышт.

Н.СЕМЕНОВАН фотожо-влак.



Эвелина ЛЕБЕДЕВА (Советский, Ёшнўр) марий тувыр конкурсышто сенгышыш ыш лек. Туге гынат «Саскавий» марий ўдырамаш ушем вуйлатыше Людмила Ивановна Кошкина тудлан кумыландыше пўлекым кучыктыш да ныжылгын вўчкалтыш. Школысо йолташыже-влак дене пырля, кушталтен-тавалтен, калыкым куандарымыжак мом шога! Арам огыл ўдырын чурийже кечыла волгалтеш. Туге шол, еглан куаным пўлеклет - шкеже тўжем пачаш пиалан лият!



Яна Королева Йошкар-Олаште ила, 19-ше №-ан школышко коштеш. Вичияш Олег шольжо уло. Ончалза-ян, Яна ден коважын, Любовь Николаевна, тувыр урвалтышысе, ончылсакышысе тўрышт чылт икгай! Янан кокаже-влакат тыгаяк вургемым чиеныт. «Уло родем-шамычлан тўрлен, шерлен пуэнам, - ойла кова. - Чылаже латкуд комплектым ургенам». Яна конкурсышто 2-шо верым нале.

Историйым шергалына

Совет войска Белоруссийын рўдолажым, Минскым, 1944 ий 3 июлышто фашист тўшка деч утарен. Минский наступатлыме операций 1944 ий 29 июнь гыч 4 июль марте шуйнен. 1-ше, 2-шо, 3-шо Белорусский фронт-влакын да 1-ше Прибалтийский фронтын войскаже-шамыч фашистын кугу чотан армийжым кырен шалатеныт. Нунылан белорус партизан-влак чот полшеныт.



7 июль -



Чесменский кредалмаште руш флотын турко флотым сенгымаш кече. Чесменский кредалмаш 1770 ий 5-7 июлышто Турцийын касвел серысе Чесменский бухтышто лийын.

Руш-турко сар годым Шем теҗыз флот деч тушманым корандаш манын, Балтийский флотын икмыняр эскадрже Средиземный теҗызыш лектын. Граф Алексей Орловын вуйлатыме кок эскадр Чесменский бухтышто турко корабль-влакым вавшлийын. Ты кечым Российыште 2012 ий гыч палемдаш тўналме.

Уверлан уло вер

27-29 июнышто Марий Эл Республикысе 34096 №-ан воинский частыште «Зарница Поволжья» военный да спорт модмашын республикысе этапше эртен. Тушто тўрлў районла да олала гыч 17 команде таҗасен. 14-15 ияш 255 ўдыр-рвезе кум кече жапыште Россий Армийысе салтакын ылышыж дене лишке палыме лийын. Спортын тўрлў видше дене вий-куатшым да военный историйым палымыжым терген.



Самырык туныктышо-влак «Таир-2016» регион-влак кокласе VII форумыш погыненыт. Тудо 27 июнь гыч 4 июль марте «Таир» каныме да тазалыкым пентгыдемдыме рўдерыште эрта. Форумышко Российын 30 регионжо гыч 200 угла туныктышо да уна-влак толыныт.

Шочмо кечет дене!



Газетым лукташ тунал-маште философий науко кандидат Евгений Афанасьевич Хлебниковын надырже кугу. Таклан огыл тудым «Кугарнян» «кресачаже» маньт.

Уста журналист-влак рад-мыште Вячеслав ден Валерий Абукаевмыт, Юрий Байгуза, Геннадий Гордеев, Владимир Козлов, Юрий Русанов, Геннадий Сабанцев, Тимофей Петухов лийыныт. Ты поръен тун-кам вараже весе-влак алмаштеныт: Юрий Соловьёв, Виталий Егоров, Юрий Григорьев, Евгений Чашкин, Василий Семёнов, Михаил Матвеев, суретче Юрий Таныгин, фотограф Рамиль Габидуллин да молат...

Удырамыш-шамыч коклаште Алевтина Моке-евам, Светлана Эсауловам, Надежда Дмитриевам, Лидия Семеновам, Анфиса Чикаева-Эмановам, Зоя Тимофеевам, Мария Илибаевам, Людмила Антроповам, корректор-влак Любовь Кудряшова ден Галина Козловам, тыгак Роза Юдинам, Нина Русановам, Зинаида Шабалинам палемдыман.

**Икымше
тун редактор –
Александр
АБДУЛОВ
(1991-1994).**



**Умба кыже
тун редактор
лийыныт:**

Иван АЛЕКСЕЕВ (1994-1997), **Владимир КОЗЛОВ** (1997-1998), **Юрий СОЛОВЬЁВ** (1998-2001), **Сергей ИВАНОВ** (2001-2002), **Лидия СЕМЕНОВА** (2002-2003), **Эрнст ПЕТРОВ** (2003-2004), **Александр ПЕТРОВ** (2004-2009), **Михаил МАТВЕЕВ** (2010-2015).



**Кызыт
редакций
коллектив
Эдуард
ИМАНАЕВ
вуйлата.**

4 июльшто писатель Г.М.Пироговын шочмыжлан - 80 ий

Геннадий Михайлович Пирогов 6-шо классыште тунеммыж годымак почеламутым возкален. Тошто Торъялже, колым кучымыж нерген. Вет тудо пуртусым чот йбра-тен.

Кумылжо порсын гай ыле

Н.К.Крупская лумеш Марий кугыжаныш пединститутышто тунеммыж годым литератур кружокыш коштын. Возаш шукажым изаже Валентин Косоротов деч тунемын.

«Апшаткудышто», «Шонанпыл», «Шошо пеледышын ямже», «Корнымбал ломбо», «Кочо муй», «Шокшо мончаште» книгаже-влак лектыныт. Икмынрже йоча-влаклан полеклалтын.

Институтым пытарымеке, Г.М.Пироговым Медведево районысо Арбан школыш колтеныт. Тудо 7-ше классыште марий йылмым да литературым тунуктен, рисований да труд уроклам вуден. Пеш строгий учитель лийын. Садлан кажне ученикше чот ямдылалтын толын. Икана тыгай случай лийын: марий йылме урокышто кок рвезе шурген шинчен. Геннадий Михайлович нуным партге коридорышко луктын шынден. Илен-толын, тиде кок рвезе эн сай тунемше лийын. Окна йымалан шынден кодымо ломбыжо мыланем укшыжым рузалеш да «Тыштак улам» манын шарныкта.



Таче мый писатель пелашем олмеш тыланда, йоча-влак, тыгай сугыным каласем: «Шкендам кеч-куштат пенгыдын кучыза. Кеч-можымат ала-көн йодмыж почеш огыл, а шке кумылын ыштыман. Ача-авадам ида мондо, йоча годсо жапда кече гай волгалтше».

Римма Ивановна ПИРОГОВА.

**Оласе
марий йоча**

«Колумб лудмаш» оласе конкурсышто Антон ГРЯЗНЫХЫН (снимкыште) мастарлыкшым ончен, лудмыжым колыштын, могыр коваштем копыж-ж-ж лийын кайыш, шинчавуд шкеак йоргыктен лекте. Ну, тыгай рвезе дене кузе шомакым от вашталте!

Руш-марий рвезе

Антон Йошкар-Оласе 29-ше номеран школышто шымше классым чыла «визытанлан» тунем пытарен. Моткоч чулым, чыла пален налаш тыршыше, кеч-могай мероприятийыште участвоватлаш кумылан рвезе. Школысо «Наше время» йоча организацийын ик эн чолга участникше. Антон сылнымутым лудмо оласе түрлө конкурслаште почеламутым руш, марий, англичан йылмыла дене йонгалтара. Чүчкыдын сегыше лиш.

– Марий мландыште илымеке, тўп йылмым палыман, шонем. Марий йылме дене мый кугешнем. Школыштына ты йылмым тунукташ тўпалмыштлан моткоч йывыртенам, – ойла Антон. – Марий йылмым тунуктышем Елена Викторовна Васильева урокым онайын эртара, сайын умылтара. Почеламутым сылнын лудмо конкурслан ямдылалтме годым палыдыме шомаклам

руш йылмыш кусара, интонацийым чын шындыме



«Ачам – руш, авам умыла, но огеиш мутлане. Марла шотышто рашемда. Мыланем Валентин Колумбын поэзийже келша. Почеламутшо-влакым рушлат, марлат куанен лудам.

Антон «Колумб лудмаш» оласе конкурсышто сегышыш лектын. Тудо Йошкар-Олан чапшым 1 июлышто Морко районшто эртаралтше республикысе конкурсышто арален.



Шочмо вер эн шерге

Тудо марий ача-аван олаште почынкушшо ўдырышт. Виктория шочмо сурт, ача-ава деч өрдыж-тө эше нигушто лийын огыл гынат, марий мландым нимо дене вашталташ лийдымым раш пала. Тидым умылаш Лиза акаже полша.

Изиракше годым Виктория школышто йолташыже-влак коклаште марла мутланаш вожылын. Кызыт ты койыш деч утлен: акажын ушан ой-канашыжым ушыштыжо эре куча.

Адакшым коча-кова деке ялышке унала миен коштмат полша. Тушто родо-тукым, йолташ-влак шочмо марий йылмым пеш пагалат, рушла шомакым каласымлан тыманмеш шылталат. Марий йылмым пагалымаш Викториям поэзий деке кумыланден. «Мыланем Геннадий Сабанцевын сылнымутшо пеш келша, – каласкала Виктория. – Почеламутшо-влак келге шонымашан, тўняумылымашым кумдандаш полшышо, илышым келгырак шымлаш да аклаш таратыше

улыт. Чылажым умылен ом шукто гын, марий йылмым тунуктышем Татьяна Николаевна Гребнева деч полышым йодам. Тудо пеш сай педагог».

Тўня кумда, но шочмо вер кеч-көлан эн шерге лийшаш. Тидым икшыве йочаж годсек чын умылен кушкеш гын, тугеже марий мландынан, шочмо марий йылмынан ончыкылыкышт волгыдо да кужу лиш.

Шочмо кундемын нимо деч шерге улмыжым, өрдыж верыште лиймеке, утларак шижат. Ты шонымашымак каласыш Йошкар-Оласе 2-шо номеран школын тунемшыже Виктория КОНСТАНТИНОВА (снимкыште).

Л.ГРИГОРЬЕВА ямдылен. Авторын фотожо-влак.

ПАШАМ ОЙЫРАШ ПОЛША



Спортсмен-влак, кушкын шумекышт, утларакше тренер лийыт. А паледа, эше уло тыгай профессий – спорт журналист. Паша куштылгак огыл: лудшылан чын уверым намиен шукташ манын, тагасымашлам шке шинча дене ужман, спорт да спорт илыш дене кылдалтше моло йодышым келгын палыман.



Республикысе «Марий Эл» газетыште спорт журналистлан латкок ий Елена ЭШКИНИНА пашам ышта. Шочмо Усола але Кугу Корамас (Волжский район) школлаш коштымж годым тале ечызе лийын. Спортсменке улмыжым пален, редакцийыштат тудлан спорт темым пуэныт. Шке пашажым Елена Егоровна кўлынак шукта. Арам огыл 2008 ийыште республикыште «Идалыкын эн сай спорт журналистше» лўмым сулен налын.

видше нерген утларак пален налат. Тыгак тўнйамбал, Европо, Олимпиадын чемпионжо-влак дене палыме лият. Республик, эсогыл тўнйамбал кўкшытан тагасымашлам ужаш пиал лийын. Репортажым ышташ манын, тўрлў олашке лектедем.

Спорт журналистын кечыже 1995 ий гыч Спорт прессын тўнйамбал ассоциаций-жын темлымыз почеш эртаралтеш.

Елена Егоровна шкежат южо тагасымаште вийжым терга. Курыкыш куржталме дене ветеран-влак коклаште Российын гран-прижын ик этапыштыже (Курыкмари районьшто эртен) сенгыше-влак радамыш логалын.

- Спорт теме мылам моткоч келша, – ойла журналист. - Спортын тўрлў

Теве могай спорт журналист. Йоча-влак, спорт дене кылым ынеда кўрлгын, теат спорт журналист лийын кертыда. Ала вес гана лўмдам кугу газетлаште лудаш, шкендам телевизор экраныште ончаш тўналына.

А.ЭМАНОВА.



Тыршымаш сенымашым конда

Александр Аркадьевич Сидоркин (снимкыште – 11-ше классыште тунемше-влак дене пырля) Немда кыдалаш школым шымше ий вуйлата, а физкультур урокым 23 ий вўда. Кажне тунемшыже – спортсмен: Антон Лебедев (11-ше кл.) телымсе полиатлон дене спорт мастерыш кандидат нормым шуктен, ече дене районын чемпионжо. Максим Лебедев (10-шо кл.) – телымсе полиатлон дене республикыште икымше. Настя Домрачева куштылго атлетикылан шўман: ик шагат куржталмаш дене республикыште икымше лийын. Дима Марченко (4-ше кл.) кугурак-влак деч вараш ок код. Шке ийготан-влак коклаште ГТО нормым шуктыммо дене Йошкар-Олаште сенгышыш лектын. «Ече да куржталмаш дене республик кўкшытан мероприятийлам кажне ийын эртарена, – ойла школ вуйлатыше-физрук. – Йоча-влак школын чапшым кўшнў кучат. Кеч-могай сенымашым икшывын тыршымашыже да пенгыде дисциплине тапталт».

У Торъял район.

Л.ГРИГОРЬЕВА.

Таза улына

Тунемме ий пытен гынат, «Тазалык кече» пайремым кызытат шарнем. Тунам Лиана Семёнова, Кристина Степанова, Ольга Васинкина йоча-шамычын давленийыштым, пульсыштым, температурыштым, нелытыштым арня мучко тергенит. Адам Малинин, Станислав Васильев, Юлиан Михайлов, Егор Морозов, Регина, Лиана, Диана Семёновамыт, Даша Алексеева, Виктория Осипова викториныште ойыртемалтыныт. Коклаштына черле йоча уке, ветме спорт дене пенгыде кылым кучена.



Диана СЕМЁНОВА.
Марий Турек, Арбор.



Пакча пашам ыштена

Школнан кугу сад-пакчаже уло. Тудым туныктышо ден тунемше-влак уло кумылын ончена. Лум шулен гына пытыш – шўкым эрыкташ лекна. Кече тўрланымек, пакчам кўнчышна. Йыран-влакым ыштен, тўрлў пакчасаскам да пеледышым шындышна. А кенеж каникул жапыште тунемше-влак, изирак тўшкалан шелалтын, лу кече дене пакчаште тыршена: шўкшудым кўрына, вўдым шавена. Шыжым саска лектышыжат мемнам куандара.

Ксения КАПИСОВА.
Пошкырт, Дўртыльў, Чарлак.



Яра кияш жап уке!

Ура, кенежым вучен шуктышым! Кузе канышым пайдалын да онайын эртараш? Эн ончычак ачамын путўкыж дене лагерыш миен толам. Пўяшке йўштылаш кошташ тўналам. Ончылий тудым пенопласт дене ийын вонченам гын, ынде пеш сайын ийын моштем. Вўд йымачынат иктаж колокумло метрым каен кертам. Чодыраште саска шумек, авам дене эныжым, модым погаш кошташ тўналына. Кас велеш ачам дене кол кучаш каена. Авам шўдў утла комбигым налаш шопа. Мый орол лиям. Ялна чодыра воктене верланен, сандене рывыж-влак пеш озаланат. Нуным лўдыкташ манын, ачам мылам воздушкым налын пуа. Иктаж рывыжым пуштам гын, коваштыж дене авам сўан упшым ургыкта. Пакчаште шўкшудыжо! Тудым кўрман, йыранлаш вўдым шавыман. Кенеж каныш годым яра кияш жап кугунак ок лий.

Максим ГОРИНОВ.

Куженер, Уштымбал.



Могай сай!

Чевер кенеж толын шуын. Пакчаштыже могына ок куш: кешырат, пареґгат, киярат да молат. А йоча-влакше кузе куаненым! Нуно кас пычкемыш марте уремыште модыт. Кенежым ме школысо лагерыш коштына. Тушто модына, пашам ыштена. Могай сай кенежым!

Мария ПОКРОВСКАЯ.

Волжский, Кугу Корамас.



Весела каныш

Татарстан

Мый кенежым кундем Балтаси район мот вучышым. Шочмо ялна Ципья школысо воктенысе ерыште изижат, кугыенжат коллым кучена. Мый колым кучаш пеш йўратем, поснак эрдене. Пошкудо ялла гычат колызо-влак толыт.

Клавдия ИГНАТЬЕВА.
Морко, Шўргыял.

кундем Балтаси район Ципья школысо «Солнышко» лагерыш 1-5-ше класслаште тунемше 68 ўдыр-рвезе коштеш. Нуным кум отрядлан пайленым. Йоча-влаклан ныл вожатый тўрлў конкурсым, модышым, пайремым эртарам (снимкыште). Кок гана тамлын пукшат. Пырля погынен, экскурсийыш лектыт. Ёдыр-рвезе-шамычлан лагерыште пеш келша.

Валерия ВАСИЛЬЕВА,
МарГУ-н студенткыже.

Нарынче пеледыш

Шуко нарынче пеледыш!
Сылнын веле коялеш!

Пеш торашке волгалтеш,
Лишкырак лияш ўжеш.

Кок кидемым шаралталын,
Марий мурым муралталын,
Олык мучко

ошкылалын,
Сар пеледышым

погалын,
Кажным тўткын

ончалалын,
Эн моторжым

ойыралын,
Шыман гына

шыргыжалын,
Вуй йыр шўдышым

пидам.
Н.ГОДУНОВА.

Сўретым чиялте.



Л. ГРИГОРЬЕВАН фотошко



Йомаклам шотыш налын, Вуверкувам осал, түрлө күлдымаш пашам ыштыше геройлан шотледа? Изирак ийготан йоча-влак туддеч эре лүдыт, шонеда? Уке вет! Теве ончалза-ян фотошко! Шернур район Кукнур гыч Арина Алгаева Вуверкува дене кид кучен саламлалтеш. «Осалым шонышо кован чоңжым тыге поремдем!» – оила Арина.

Перкан лийже

Емыж морс

Кўлыт: 700 гр тур-нявочыж, 500 гр эңыж, 3 л вўд, 3 стан-кан сакырложаш.

Пөчыжым, эңыжым, сакырло-жашым каструльыш пышты-за, вўдым темыза, 45 минут шолтыза. Изии йўкшыкта-рыза да марле гоч шўрыза.



Кидмастар

Тыгай мотор ужавам (снимкыште) машинан шиныж гыч ышташ лиеш. Кум шиным ужар тўс дене чиялтыза, нарынче корным палемдыза. Шинча олмеш майонез ведра петыртышым келыштарыза. Ачам йоллан металло-пласт пучым пўчкын, фанер гыч ко-павлакым ыштен. Коронылан пластмассе атым шөртнөй тўсан аэрозоль дене чиялтен. Авам пеледышым шынден.

Даниил АЛЕКСЕЕВ.

Морко, 6-шо номеран школ.


Кўдырчан йўр авыра гын:

✓ **Мөңгышто:** шке илыме вер-дам аралаш манын, чыла электро-приборым йөртиза, окнам тўчса, окна да омса воктене ида шого, сото телефон дене ида муглане.

✓ **Уремыште:** чара верыште ида шого, орал-те коклаш шылза.

✓ **Автомашинаште:** күкшө пушенге йымалан ида чарне, машинадам корно тўреш але автостоянкеш шогалтыза. Күкшө курыкышто але чара верыште ида шого.

✓ **Чодыраште:** нугыдо укшан тыгыде вондерла коклаш шылза. Олык покшелне, чодыра тўрыштө, вўд воктене лияш лўдыкшө. Шкет шогышо пушенге йымалан ида верлане.



Сўретым чиялте: 1 - ужарге, 2 - йош-карге, 3 - канде, 4 - нарынче.

Индекс 78574.
Тираж 1100 экз. Заказ 1986.
Формат – А-4-8.
Директор-тўн редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республикы-се культур, печать да на-циональность паша шо-тышто министерстве, "Ям-де лий" газет" кугыжаныш унитарный казенный предприятий.

Газетым Массовый коммуникаций сферыште да культур наследийым аралымаште законодательством шуктен шо-гымым эскерыше Федеральный службыв Приволжский федеральный округысо управленийыштыже регистрироватлыме.
Номер – ПИ №ФС 18-1999,
2005 ий 10 февральыште пуымо.



Печаткыш пуымо жап – 14-00,
фактически – 13-00.
Ак – кутырен келшыме почеш.

Авторын да редакцийын шо-нымашыш түрлө лийын кер-тыт. Серыш-влак мөңгыш огыт колталт.

Газетым редакцийыште погымо да верстатлыме, «СТРИНГ» ИПФ ООО-што ямде оригинал-макет гыч савыктыме. Типографийын адресше: 424006, Йошкар-Ола, Строитель урем, 95.

Редакцийын да издательын адресше: 424006, Йошкар-Ола, СССР Вооружённый Вийын 70-ше идалыкше урем, 20.



Пакча тўня

«Ўжара» йочадаштына
Уло изи пакчана.
Тўрлө куикылым куитена,
Вўдым кумылын оптена.
Тыште – Огаптя кока,
Тудо мемнан куанна.
Йыраң-влакым орола,
Мемнан верчын ойгыра.
Эше изи улына,
Мўкш еш гае тыршена,
Шымлена да ончена,
Сай лектышым наллена.
«Карусель» группына –
Кешыр, шоганлан оза.
Тиде икымше йыраңна,
Пашалан тунемына.

Н.ГОДУНОВА.

Йошкар-Оласе 80-ше
номеран йочасад.

Снимкыште:
Маша Дождикова,
Егор Щербинин, Артём
Ефремов, Даниил Кузь-
миных - Огаптя кока
дене пырля.

Чодырам аралыза!



«Ик пушенгым
рузнат - олмешы-
же кумытым
шынде», - ма-
неш калыкмут.
Наталья
ИВАНОВАН
плакатше.
Советский, Ўрша.

Уз и
п о ш к у д о
деке миен
да манеш:



– Ачам
пеш черле. Мўр варенъым кочнеже.
– Кузе тыге лийын кайыш? –
азаплана пошкудо ўдырамаш. –
Стаканым але кўмыжым конде-
нат? Кушан пыштен колташ?
– Ида тургыжлане, нимат огеи
кўл. Мый тыштак кочкын
кертам.

Шоналтена

Аня,
Света, Нина урокышто
тергыме пашам возеныт.
Могай оценкылан
возымыштым пален
налаш шонен, туныктышо деч
йодыныт. Тудо ойлен: «Тендан
оценкыда тўр-
лө. Анян «ку-
мытан» огыл, Нина ни
«кумытаным», ни
«визыта-
ным» налын
огыл». Кажне
ўдырын оцен-
кыже
могай?



Т О Л Я

Ик шыртым верже дене
ваштаalten пышет гын,
ўдыр лўмым лудын кер-
тат.

Кандаш ойырге-
мым му.



1			
К			
2			
К			
3			
К			
4			
К			
5			
К			
6			
К			
7			
К			

«К» буква дене

1. Айдемын кап-
кыл ужашыже. 2....
шўртнў дечат
шерге. 3. Рушла
– «еда», марла
– ... 4. Шем тўсан
ка-йык. 5. Йолчием.
6. Ава-нан але ачанан
авашт. 7. Чот ырыкта,
но тул огыл.

Маша **ПАВЛОВА.**
Волжский, Пўтъял.